

姚氏得姓源流變遷世系直說

粵昔舜姓於姚墟赤光滿室群鳥齊鳴父瞽瞍以爲不祥欲掩殺之不克止及長有聖德皆目之曰成聖瞍惑於後妻生象常欲殺舜舜克諧以孝烝烝乂不格姦瞍亦底豫堯老欲禪位徵之四岳岳曰有鰥在下曰虞舜堯曰兪釐降二女於嬀汭觀厥刑於內使九男事之以觀其外所居一年成聚二年成邑三年成都乃位百揆薦之於天賜姓姚氏受堯禪而有天下舉元凱誅四凶時景星出卿雲見百工相和而天

古虞姚氏宗譜

卷一

直說

九四

丁酉重修

下治薦禹於天五十載南狩崩於蒼梧之野葬九疑子均禹即位國虞食邑於嬀均生夷伯夷伯生強餘強餘生頡頡生夢熊夢熊生汶學豢龍於劉累以事孔甲累敗汶因失國諫者以爲有虞氏國家所受命不可絕求汶叔思復其國汶圖作思生友龍友龍生壽盼壽盼生叔儀叔儀生康伯康伯生宗石是爲箕伯不能事桀國亡圖康伯生宗石失國又期亦康伯子忠諫桀殺之或云期音替即箕伯康仲康伯弟也康仲生祖嬀祖嬀生發發賢復國殷革夏命仍封虞以奉祀發生嬀方嬀方生振振生維

維生壽固壽固生敖敖生勝勝生元捷元捷生偃偃	生姑疆姑疆生公允公允生藺藺生填叔填叔生野	野生無斃無斃生菑菑生叔正叔正生獻子獻子生	亞壽亞壽生元壽元壽生夢延夢延生闕父周克殷	任陶正利器用王賴之與其神明之後以元女大姬	下嫁於其子滿改封陳奉舜祀於宛邱是爲胡公與	夏商後爲三恪賜姓媯氏乃改姚爲媯胡公卒子申	公犀侯立申公卒弟相公阜羊 <small>圖作皋</small> 立相公卒立申	公子突是爲孝公孝公卒子慎公圉戎立慎公卒子	<div>古虞姚氏宗譜</div> <div>卷一</div> <div>直說</div> <div>九五</div> <div>丁酉重修</div>	幽公寧立幽公卒子釐公孝立釐公卒子武公靈立	武公卒子夷公說立夷公卒弟平公燮立平公卒子	文公圉立文公卒子桓公鮑立桓公卒弟佗蔡出也	蔡人殺太子免而立之爲厲公免弟三殺厲公長躍	立爲利公次林爲莊公少杵臼爲宣公歷穆共靈成	哀惠懷湣 <small>圖作閔</small> 爲楚惠王將公孫朝所滅國除佗子	完與宣公太子禦寇善宣公娶嬖姬生款欲立之殺	禦寇完懼禍奔齊桓公使爲客卿辭使典工正齊大	夫懿仲有女欲妻完曰吉鳳凰於飛和鳴鏘鏘有媯
----------------------	----------------------	----------------------	----------------------	----------------------	----------------------	----------------------	--	----------------------	---	----------------------	----------------------	----------------------	----------------------	----------------------	--	----------------------	----------------------	----------------------

之後將育於姜五世之後並於正卿八世之後莫與之京遂妻之食邑於田稱田氏生五子穆密伾宰涑

圖作卒諡敬仲穆生伯考伯考生續續生文子須無

桓子無宇桓子生武子疆武子生僖子乞圖從史記文子須無

生桓子無宇桓子生武子開字子疆與僖子乞事景公收賦以小斗與民以

大斗民心歸之專國政乞卒子成子恒立封邑大於

公所食恒卒子襄子盤立歷莊子白至太公和遂以

周安王命爲諸侯遷齊康公於海上死姜遂不祀初

敬仲生時周太史過陳厲公使以周易筮之得觀之

古虞姚氏宗譜

卷一

直說

九六

丁酉重修

否是爲觀國之光利用賓於王後此子孫當代陳有國乎然不在此其在異國必姜姓也夫姜太嶽之後物莫能兩大陳衰此其昌乎至是固符厥占太公卒子桓公午立桓公卒子威王國齊立威王卒子宣王辟疆立宣王卒子湣王地立燕昭以齊嘗破燕合諸侯攻齊入臨淄湣王走莒爲楚將淖齒所殺王孫賈誅淖齒求湣王子法章立之是爲襄王保莒時齊惟莒即墨未下即墨人推田單爲將軍敗燕復齊迎王於莒襄王卒子王建立母后君王后事秦謹與諸侯

合后卒齊客受秦金爲反閒勸朝秦戰備不修卒滅
於秦以齊爲郡建子三長嘉不食死次修豫賈寶玉
以亡稱王子修子孫遂別以王爲氏少子良秦兵八
宮以奔走折足得免死故名子曰疾祐疾祚當是時
齊四十年不動兵田宗之盛甲天下皆編布三齊及
二世立陳勝胡廣等兵起齊族田儋田市田榮田廣
田橫田假田都田角田開田皋田安等各起兵自立
爲王爲將相其分布臨淄瑯琊者一萬八千餘人皆
罹兵刃無噍類惟良乃疾祐疾祚得免漢高帝八年

古虞姚氏宗譜

卷一

直說

九七

丁酉重修

詔秦楚大族徙關中遂家雍長陵疾祐子昌得故韓
王臧荼女臧兒生三子長蚡次勝先臧兒適王仲生
子女各一子王信女納大子宮中生武帝及即位封
母舅王信蓋侯田蚡左丞相武安侯田勝周陽侯疾
祚生子留留生牟牟生延年字子賓昭帝時以才略
給事遷左長史爲河東太守拜大司農與霍光定議
廢昌邑王后坐罪當刑自刎死時漢法尚襲秦多族
誅子淵棄家逃荆吳避禍至吳興歸安自念田本媯
氏歸於媯同音安者示媯氏可安也意媯氏其復昌

於此遂復興媯居霅溪之厓因易子姓名曰媯徵徵
子平聰慧好讀書游學四方聞京房以易高天下師
事之盡得其占卦生兢之法歸卜之遇坤之復是爲
中行獨復敦復無悔嘆曰媯原於舜本姚姓胡公始
爲媯敬仲改媯稱田避禍舉耳今氏媯也未協乃始
復姓姚焉元帝朝舉孝廉拜右中郎京房上考功課
吏法上令房上弟子知課吏者疏平遷冀州刺史卒
平生豐豐生恢自青州刺史避莽亂過江居吳郡恢
生顯顯生奕奕生敷徙武康敷生膺膺生逢巡巡生

古虞姚氏宗譜

卷一

直說

九八

丁酉重修

子恒子恒生墨墨生和和生嶽嶽生杰杰生度度生
元元生汾汾生綱綱紀紀生王祖僧坦僧坦生察最宿
王考察陳吏部尙書生思廉思才最生思聰譜系不
紊隱顯相半謹次於右尙惟賢子孫寶而藏之衍重
華之允符育姜之占庶天或佑之再昌勿替矣

皆

唐貞觀三年

嗣孫思廉述